

ხელშეკრულება № 02/07
სახელმწიფო შესყიდვების შესახებ

ქ. თბილისი

"31" დეკემბერი 2012 წელი

ერთის მხრივ, სსიპ შოთა რუსთაველის ეროვნული სამეცნიერო ფონდი, წარმოდგენილი სსიპ შოთა რუსთაველის ეროვნული სამეცნიერო ფონდის გენერალური დირექტორის - სულხან სისაურის (შემდგომში - შემსყიდველი) და მეორეს მხრივ, შპს "ინფოსერვისი" (შემდგომში - მიმწოდებელი), წარმოდგენილი დირექტორის - ზურაბ თეთრაძის სახით, "სახელმწიფო შესყიდვების შესახებ" საქართველოს კანონის მე-3 მუხლის პირველი პუნქტის "ს" ქვეპუნქტის საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია სსიპ შოთა რუსთაველის ეროვნული სამეცნიერო ფონდის აპარატის (ორგანიზაციული კოდი 32 04 03 01 01) 2013 წლის ასიგნებების ფარგლებში საკანონმდებლო და კანონქვემდებარე აქტების საინფორმაციო-სამიებო სისტემა - "კოდექსი- 2007 R3"-ს მომსახურების შესყიდვა (CPV კოდი: 72300000, 72321000).

მიმწოდებელი გადასცემს შემსყიდველს საკანონმდებლო და კანონქვემდებარე აქტების საინფორმაციო-სამიებო სისტემას - "კოდექსი- 2007 R3"-ს (შემდგომში "კოდექს-ოფისი"). "კოდექსი-ოფისი" მუშაობს ოპერაციულ სისტემებში – MS WINDOWS 7/XP sp3, და შედგება სამი პროგრამისაგან:

- ა) "კოდექსი-ოფისი 2007 R3 "
- ბ) "კოდექსი-ოფისი 2007 R3- კოდიფიცირებული"
- გ) "კოდექსი-ოფისი 2007 R3 – საერთაშორისო ხელშეკრულებები"

1.2. "კოდექსი-ოფისი 2007 R3 " მოიცავს:

- საქართველოს კონსტიტუციას;
- საქართველოს პარლამენტის კანონებსა და დადგენილებებს;
- საქართველოს პრეზიდენტის (პარლამენტის თავჯდომარე – სახელმწიფო მეთაურის) ბრძანებულებებსა და განკარგულებებს;
- საკონსტიტუციო სასამართლოს გადაწყვეტილებებსა და პლენუმის დადგენილებებს;
- საქართველოს რესპუბლიკის მთავრობის (მინისტრთა საბჭოს, მინისტრთა კაბინეტის) ძირითად დადგენილებებს;
- საქართველოს ეროვნული ბანკის, საგადასახადო სამსახურისა და ფინანსთა სამინისტროს მიერ 1993 წლის 1 იანვრიდან მიღებულ ძირითად კანონქვემდებარე და ნორმატიულ აქტებს (დადგენილებები, ინსტრუქციები, დებულებები, მითითებები, წერილები დ.ა.შ.);
- ქ. თბილისის საკრებულოსა და მერიის დადგენილებებს, გადაწყვეტილებებს, ბრძანებებს, აგრეთვე მუნიციპალიტეტის კაბინეტის დადგენილებებს;
- სამინისტროების, კონტროლის პალატის, გენერალური პროკურატურის სხვადასხვა სახელმწიფო სამსახურების (დეპარტამენტები, კომისიები, სააგენტოები და სხვა) მრავალ დოკუმენტს.

1.3. "კოდექსი-ოფისი 2007 R3 კოდიფიცირებული" მოიცავს კოდიფიცირებულ საქართველოს ყველა კანონსა და კოდექსს;

1.4 "კოდექსი-ოფისი 2007 R3 – საერთაშორისო ხელშეკრულებები" მოიცავს საერთაშორისო ხელშეკრულებებს, შეთანხმებებს, ოქმებს, დეკლარაციებს, მრავალმხრივ ხელშეკრულებებს, საერთაშორისო კონვენციებს;

2. ხელშეკრულების ღირებულება და ანგარიშსწორების წესი

- 2.1 ხელშეკრულების საერთო ღირებულება შეადგენს: 2280.00 (ორიათასორასოთხმოცი ლარი და 00 თეთრი) ლარს.
- 2.2 მოწოდებთა სამივე ბაზის ინფორმაციული განახლება ერთ კომპიუტერზე (სერვერზე) ანაზღაურდება თვეში 40 (ორმოცი ლარი) ლარის ოდენობით, ხოლო "კოდექსი- 2007 R3"-ს სხვა კომპიუტერებზე დაყენების შემთხვევაში, ყოველი დამატებითი კომპიუტერისათვის აღნიშნულ თანხას თვეში დაემატება 10 (ათი) ლარი.
- 2.3 ხელშეკრულების ყოველთვიური ღირებულება 15 (თხუთმეტი) კომპიუტერისათვის შეადგენს 190,00 (ას ოთხმოცდაათი) ლარს.

- 2.4 ანგარიშსწორება განხორციელდება ეტაპობრივად, ფაქტიურად გაწეული მომსახურების შესაბამისად, მიღება-ჩაბარების აქტის გაფორმებიდან 20 კალენდარული დღის განმავლობაში.
- 2.5 ანგარიშსწორების ფორმა: უნაღდო.

3. შესყიდვის ობიექტის მიწოდების პირობები

- 3.1 მიმწოდებელი ვალდებულია წინამდებარე ხელშეკრულებით განსაზღვრული მომსახურება განხორციელოს 2013 წლის 1 იანვრიდან 2013 წლის 31 დეკემბრის ჩათვლით.

4. შესყიდვის ობიექტის მიღება-ჩაბარების წესი

- 4.1 გაწეული მომსახურება დასტურდება ორივე მხარის მიერ ხელმოწერილი მიღება-ჩაბარების აქტით.
- 4.2 შემსყიდველის მხრიდან მიღება-ჩაბარების აქტზე ხელმოწერის უფლება ეძლევა ადმინისტრაციული და სამართლებრივი უზრუნველყოფის დეპარტამენტის უფროსის მოადგილეს - მარიამ იაშვილს.

5. მხარეთა მოვალეობები

- 5.1 შემსრულებელი ვალდებულია განხორციელოს ამავე ხელშეკრულების პირველი მუხლის 1.3, 1.4 და 1.5 პუნქტებით გათვალისწინებული "კოდექს-ოფისი"-ს ინფორმაციული განახლება არანაკლებ ორ კვირაში ერთხელ, ახალი საკანონმდებლო და ნორმატიული აქტების მიღების შესაბამისად.
- 5.2 "კოდექს-ოფისის" ინფორმაციული განახლება დამკვეთის სურვილის თანახმად, მოხდება ელექტრონული ფოსტის გამოყენებით.
- 5.3 დამკვეთი ვალდებულია დაიცვას საინფორმაციო-საძიებო სისტემა "კოდექს-ოფისი" არასანქცირებული გამრავლებისაგან.
- 5.4 შემსრულებელი ვალდებულია უზრუნველყოს სსიპ შოთა რუსთაველის ეროვნული სამეცნიერო ფონდის ნორმატიული აქტების სწრაფი განახლება.
- 5.5 „მიმწოდებელი“ არ იღებს პასუხისმგებლობას "კოდექსი-ოფისი"-ს მონაცემთა ბაზაში შეტანილი ინფორმაციის უშეცდომოობაზე, ასევე ნებისმიერი სახის ზიანზე რომელიც შეიძლება გამოწვეულ იქნას შეცდომების შედეგად, მათი არსებობის შემთხვევაში.

6. ფორს-მაჟორი

- 6.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა.
- 6.2 ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და/ან შემსრულებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი. ასეთი გარემოებები შეიძლება გამოწვეული იქნას ომით, სტიქიური უბედურებით და სხვა.
- 6.3 ფორს-მაჟორული გარემოებების დადგომის შემთხვევაში ხელშეკრულება დამდებმა მხარემ, რომლებსათვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

7. მხარეთა პასუხისმგებლობა

- 7.1 ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში მხარეები ჯარიმდებიან ხელშეკრულების საერთო თანხის 0,1%-ის ოდენობით.
- 7.2 ხელშეკრულებით ნაკისრი ვალდებულებების ვადების გადაცილების შემთხვევაში მხარეები ჯარიმდებიან ხელშეკრულების საერთო თანხის 0,1%-ის ოდენობით.

8. ხელშეკრულების მოქმედების ვადა

- 8.1 ხელშეკრულება ძალაშია 2013 წლის 1 იანვრიდან და მოქმედებს 2013 წლის 31 დეკემბრის ჩათვლით.

9. სხვა პირობები

- 9.1 მხარეთა შორის სადაო საკითხები წყდება მხარეთა მოლაპარაკების გზით. შეთანხმების მიუღწევლობის შემთხვევაში საკითხს განიხილავს სასამართლო.
- 9.3 ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.
- 9.4 ორივე მხარე უფლებამოსილია შეწყვიტოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.
- 9.5 ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ორი ეგზემპლარი შემსყიდველს, ერთი ეგზემპლარი შემსრულებელს).

შემსყიდველი:


სსიპ შოთა რუსთაველის ეროვნული
სამეცნიერო ფონდი
ქ. თბილისი, მ. ალექსიძის ქ. #1
სახელმწიფო ხაზინა
ბ/კოდი 220101222
ა/ა 200122900
ს/კოდი 204578064

მიმწოდებელი:

შპს "ინფოსერვისი"
ქ. თბილისი, ეკა ბეჟანიშვილის ქ. #49
სს "ბანკი რესპუბლიკა" სადგურის ფილიალი
კოდი: REPLGE22
ა/ა GE31BR0600003608002037
ს/კოდი 200001229

სსიპ შოთა რუსთაველის ეროვნული
სამეცნიერო ფონდის გენერალური
დირექტორი

შპს "ინფოსერვისი"-ს
დირექტორი



ხელწერილი
ინტერესთა კონფლიქტის არარსებობის შესახებ


ქ. თბილისი

31 დეკემბერი, 2012 წელი

ჩვენ, ქვემოთ ხელის მომწერნი ვადასტურებთ, რომ საკანონმდებლო და კანონქვემდებარე აქტების საინფორმაციო-სამიუზო სისტემა - "კოდექსი- 2007 R3"-ს მომსახურების სახელმწიფო შესყიდვის განხორციელებასთან დაკავშირებით, ჩვენი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფებით.


სსიპ შოთა რუსთაველის ეროვნული სამეცნიერო ფონდის გენერალური დირექტორი

სულხან სისაური -




სსიპ შოთა რუსთაველის ეროვნული სამეცნიერო ფონდის ფინანსური და მატერიალური რესურსების დეპარტამენტის უფროსი

მალხაზ ხოფერიას -




სსიპ შოთა რუსთაველის ეროვნული სამეცნიერო ფონდის ფინანსური და მატერიალური რესურსების დეპარტამენტის უფროსის მოადგილე

ტიტე რუსაძე -



სსიპ შოთა რუსთაველის ეროვნული სამეცნიერო ფონდის ადმინისტრაციული და სამართლებრივი დეპარტამენტის მთავარი სპეციალისტი

მადონა გვიდიანი -



სსიპ შოთა რუსთაველის ეროვნული სამეცნიერო ფონდის ფინანსური და მატერიალური რესურსების დეპარტამენტის მთავარი სპეციალისტი

გიორგი მამულაშვილი -

